

墜亭亭元寶接崑山攢攢玉姹投玄谷聚聚金嬰列瑞班處處
青蓮開滿日空空玄象始歸還騰騰五色圓光颺燦燦流霞萬
化攢細細神風輕縹渺靈靈金相白粧鑾清清寶璧盤桓住淨
淨靈砂透骨歡默默了真非有說明明全道事都刪玄玄守護
真三寶妙妙功成一顆丹浩浩銀霞常覆罩輝輝玉性自追攀
飄飄舞袖超三界混混朝元顯內顏朗朗閑如秋夜月煒煒常
在玉霄間惺惺了了仙家樂湛湛澄澄道性閑曠劫真容離苦
海古今圓象出波瀾大羅一會同歸去悟理明真子細看

顯道吟

芸芸懸象滿空飛應報人天萬化機絕妙神仙留祕訣須知父
道藏輯要

雲光集

卷一

眉集九

母未生時陰陽造化全眞理一點靈光總不知混沌變通超物
外內靈隨步躡雲梯先天圓覺眞空體性命含光天地齊百骨
通靈心悅樂無情童子笑微微洗心法雨明澆灌開道光明出
污泥般運珠珍通上下抽添水火併東西玄元四大開心印祕
典靈文越世奇句句只敲心髓病言言直指達無爲逍遙叮囑
長生理暗合天眞不動移傳道洪緣玉陽子濟危拔苦度愚迷
漏真語真言合上蒼真虎真龍真造化真山真水養和光真閒
真孝真慈真校量真心真遇聚真涼真師真訣通真鍊真行真
功真道場真靜真清真大道真玄真妙結真祥真明真悟真無

真一吟

眞樂眞無染眞聖眞賢滿十方眞性眞容眞灑落眞禪眞道顯
眞常眞天眞地布眞德眞聖眞仙處處香

青童吟

寂寂寥寥一醉中蕭蕭灑灑喜顏紅清清靜靜全眞理默默虛
虛守內容細細綿綿吞紫瑞澄澄察察飲霞風盈盈聚聚天光
結杳杳冥冥立祖宗遇遇遭遭超彼岸端端的的話眞空靈靈
俏俏仙家樂喜喜歡歡度歲豐

回光吟

告假得回歸修眞不動移化緣離苦厄賢友作交知隨處同參
論人天度眾迷六塵通舊塞三寶妙精持空外玄元聚神明不

道藏輯要

雲光集

堯

眉集九
一

敢欺清風貫四大皓月整容儀白首全今古金身括四維儒童
皆拱手眞相等頭齊法本空無住眞功自不虧運朝天地靜烏
免任東西變化眞靈性朝元自有期諸天來稽首三界悉歸依
悟者投眞趣修仙絕妙機無生出混沌道俗顯尊卑

玄真吟敕修新道院住持作

宣住眞仙院情乾絕外非恩童賜一小童侍奉作伴供兩飯靈物飲刀圭
四大俱調攝三光不暫離六塵無染著八脈自通微一句金丹
訣都超萬化機七明透五聚九轉不難知十地圓明結眞空話
祖基大通觀自在一點鎮無爲放曠天衣祿逍遙絕世羈化生
眞水火日用兩交飛悟徹先天理昇騰自有期冲融明了了道